

Visoki predstavnik Inzko sastao se sa ministrom vanjskih poslova Turske Davutoğluom



Visoki predstavnik Valentin Inzko sastao se danas u Sarajevu sa turskim ministrom vanjskih poslova Ahmetom Davutoğluom. Visoki predstavnik Inzko informirao je ministra Davutoğlua o aktuelnim političkim dešavanjima u BiH te o učincima procesa formiranja državne vlade.

„Čini se da je period političkog zastoja iza nas. U predstojećem razdoblju građani očekuju od domaćih političara da ubrzaju napore u cilju ispunjavanja obaveza zemlje u vezi sa integracijom u EU i NATO“, rekao je visoki predstavnik Inzko.

Visoki predstavnik je zahvalio ministru Davutoğluu na kontinuiranoj i značajnoj podršci i interesu Turske za Bosnu i Hercegovinu i sve njene građane, te na pozitivnoj ulozi Turske u promoviranju odličnih odnosa između zemalja regiona.